



Informativni list za podnošenje zahtjeva za boravišnu dozvolu u svrhu zapošljavanja u Njemačkoj

Napomena:

Od 1. januara 2016. godine za državljane Bosne i Hercegovine (i pet drugih zemalja Zapadnog Balkana) prema članu 26 stav 2 Pravilnika o zapošljavanju (BeschV) važe nova pravila u vezi zapošljavanja u bilo kojoj struci. **Ovo pravilo važi do 31.12.2020. godine.**

Za ulazak u Njemačku u svrhu zaposlenja potreban Vam je potpisan ugovor o radu, kao i viza.

Radno mjesto mora ispunjavati sljedeće uslove:

- Za slobodno radno mjesto ne smije biti na raspolaganju niti jedan povlašteni kandidat (tražilac posla koji ima njemačko ili EU državljanstvo).
- Zarada i uslovi iz ugovora ne smiju biti lošiji od onih koje ima posloprimac u Njemačkoj na sličnom radnom mjestu.

Zahtjev za vizu možete predati u Njemačkoj ambasadi Vaše zemlje porijekla ili u zemlji gdje imate zakoniti stalni boravak. Predaja zahtjeva u Njemačkoj nije moguća.

Osobe koje su unutar 24 mjeseca prije predaje zahtjeva za vizu primali pomoć kao tražioci azila ili su bili tolerirani prema Zakonu o pomoći tražiocima azila, prema ovom novom propisu ne mogu dobiti vizu. **Ova zabrana ne važi za osobe** koje su između 1. januara 2015. i 24. oktobra 2015. godine podnijeli zahtjev za azil u Njemačkoj i koje su na dan 24. oktobra 2015. godine još uvijek bile u Njemačkoj i do **4. maja 2016. godine** napustili Njemačku.

Prilikom podnošenja zahtjeva za vizu morate dostaviti sljedeće:

- a) već potpisani ugovor o radu sa konkretnim poslodavcem u Njemačkoj, i to original i 2 kopije
- b) **u datom slučaju prethodna saglasnost za izdavanje vize** njemačkih organa (Ureda za strance ili Savezne agencije za rad) u originalu i 2 kopije
- c) **dokaz o prethodnom školovanju** (diploma i svjedočanstva završene škole/ zanimanja sa Apostile pečatom na originalima i prevod istih na njemački jezik, u datom slučaju dokaz o radnim iskustvima sa prevodom). **Ova stavka važi samo za podnošenje zahtjeva za vizu u svrhu zapošljavanja u oblasti medicine kao n.pr. pomoćnik njegovatelj i sl. .**
- d) pasoš koji najmanje važi još 10 mjeseci (i 2 kopije)
- e) dva potpuno popunjena i lično potpisana obrasca za izdavanje vize koje možete preuzeti sa sljedećeg linka:
http://www.sarajewo.diplo.de/contentblob/4407648/Daten/5011554/Antrag_Visum_National_d_eu_bhs.pdf
- f) dvije aktuelne biometrijske fotografije sa svjetlom pozadinom
- g) taksu za izdavanje vize u visini od 120 KM (od 01.09.17: 150,-KM)

Dodatak za a) Ugovor o radu mora sadržavati potpune podatke o poslodavcu i posloprimcu (potpuni podaci o poslodavcu ili preduzeću- adresa, kontakt podaci i podaci o posloprimcu) i o radnom odnosu (vrsta ugovora, bruto primanja, radno vrijeme, odmor, dodatne isplate).

Dodatak za b) Dobijanje prethodne saglasnosti za izdavanje vize u svrhu zaposlenja od nadležnih njemačkih organa

Nadležni njemački organi moraju izdati saglasnost za zaposlenje.

U pravilu je Savezna agencija za rad (BA) nadležna za izdavanje saglasnosti. Ako ste ranije imali boravišnu dozvolu u Njemačkoj (ili ste predavali zahtjev za azil), Vaš poslodavac se mora obratiti nadležnom uredu za strance (ABH). Nadležni ured za strance je onaj gdje Vaš poslodavac ima sjedište preduzeća.

Zbog toga Vi morate dati Vašem poslodavcu sveobuhvatne informacije o Vašim prijašnjim boravcima u Njemačkoj. Napominjemo da se ove informacije provjeravaju u kasnijoj obradi zahtjeva za izdavanje vize i da pogrešni ili nepotpuni podaci mogu dovesti do odbijanja Vašeg zahtjeva za izdavanje vize, tj. do znantnog produženja trajanja obrade zahtjeva.

Uobičajeni slučaj: Savezna agencija za rad

Vaš poslodavac mora predložiti sljedeće dokumente u Saveznoj agenciji za rad:

- potpisan ugovor o radu u originalu

Napomena: Koji je tim Savezne agencije za rad za Vas mjesno nadležan saznat ćete ovdje: [Arbeitsmarktzulassung Standortübersicht](#)

Posebni slučajevi: (Ako ste već imali boravišnu dozvolu za Njemačku ili ste predavali zahtjev za azil): **Ured za strance**

Vaš poslodavac mora predložiti sljedeće dokumente u nadležnom uredu za strance

- potpisan ugovor o radu u originalu
- izvod iz trgovinskog registra preduzeća
- podatke o Vašim prijašnjim boravcima i mjestima boravaka
- sljedeći podaci o Vama moraju biti predloženi: potpuno ime i prezime (kao u pasošu), datum i mjesto rođenja, državljanstvo, trenutno mjesto boravka

Informacije o postupku obrade zahtjeva za izdavanje vize

Zahtjev morate podnijeti **lično** u Ambasadi. U postupku obrade zahtjeva za izdavanje vize utvrđeni **pogrešno dati podaci o prijašnjim boravcima** mogu dovesti do **odbijanja zahtjeva** za izdavanje vize.

Za **spajanje porodice** važe posebna pravila, vidi informativni list u svrhu spajanja porodice.

U slučaju zapošljavanja u medicinskoj oblasti također važe posebne odredbe, vidi na odgovarajućim informativnim listovima.

Radno vrijeme odjela za vize:

Od ponedjeljka do petka od 08.00 do 12.00 sati. Potrebno zakazivanje online-termina putem www.sarajewo.diplo.de Za dodatne informacije Ambasada Vam stoji na raspolaganju pod sljedećim telefonskim brojem: +387(0)33 565 380. Radna vremena naše infolinije možete naći pod ovim linkom:

Aktualizirano: august 2017 g.

http://www.sarajewo.diplo.de/Vertretung/sarajewo/ba/02/Oeffnungszeiten/visaeroeffnungszeiten_seite.html